


芙蓉江上草堂詩稿

NATIONAL CENTRAL LIBRARY, TAIWAN, R.O.C.



序

余與江陰金一士先生為己卯同歲生其孫涇生客遊江右己
巳秋與余同為吉州太守勸校晤於試院一見即相契每題紙下
涇生必先擬五言八韻一夕輒成五六首綺麗沉雄不規規於試
帖格調余於是知其能詩校閱之暇遂唱酬無虛日時同校諸君
余年最老涇生年最少皆未有如余兩人之勇且健者洎余返章
門涇生繼至過從益密以其祖遺稿囑題於是知涇生家學淵源
康成小同具有宗派庚午夏涇生將秋試東歸乞余一言弁其詩
之簡首余維詩之為道其體至不同人之為詩其境亦屢變以涇



生今日所詣之境本其清雋之思出以研鍊之筆人咸知之無俟贅論他日雍容揄揚和聲鳴

盛此行其發軔也吾又不知其所詣之境為何如余老矣竊喜年家後進繼起有人爰加以評騭并述顛末以為異日之証云
同治庚午五月老良馮詢識於章門之覺園

序

萍蹤輒左無一握手之緣梅訊先頌有三折肱之譽賜觀大集允
愜素衷過承桑梓之恭欣結芝蘭之契隨風唾咳疑口角之皆香
比雪聰明信胃懷之不滓捫青挹翠謝客紀遊泛疑依紅庾郎佐
幕綢繆花鳥杜少陵之憂時激厲風雲陳拾遺之感過不著一字
足當表聖之評早辨四聲獨抱隱侯之譜在吾鄉前輩中與翁朗
夫史問樵兩公為近歷境差同逢時稍異可謂異曲同工者矣
有負所知無能為役審詩窮其等耳問句法之如何自慚老馬識
塗感感綴行之步深喜新鶯出谷嚶嚶求友之聲所期翦燭同論

題襟互賞紅羊劫過何時為鄉里之遊黃鶴歸來吾輩有山林之
樂乾坤清氣之集得此可雙圓襟興之題宜君第一平未人日
悔餘弟何祗拜序

序

晉熙從逸亭方伯於皖軍稔知其羣從多能文之彥而必以蒞生
司馬為白眉今歲計偕北上繞道來江陰獲與訂交見所撰著全
氏文勝及所刊篤慎堂燼餘詩稿益稔其家學淵源而君用心之
厚好學之篤亦於此見焉既出其芙蓉江上草堂詩稿見示清華
名雋獨舒性情至感念時事則悲歌諷諭尤有杜老白傅之風始
君遭寇亂出避航海而歸見井里蕭條白骨枕藉盡然不知感喟
之所寄於是出大江走金焦沂舟越皖水訪石鐘麻姑之勝犯鄱
陽十八灘之險折而沿三湘達衡麓觀於洞庭之野雲夢之隈宇

愁抑鬱之思益噴薄而不可禦而其過人之心力又能追而取之
油然以自達於口脛之間舟之行川也水與風助之也君之詩毋
亦有助之者哉今君倦遊返里於芙蓉江上重建草堂如淵明下
溪摩詰輞川登其堂者有超然塵俗之想其為詩則又冲夷簡淡
在陶韋王孟之間雖然君年甫逾壯抱有為之才秉恬淡之性將
見出而用世有本有文又豈僅僅以詩鳴哉質之逸亭方伯當以
鄙言為何如也

同治甲戌新春平江陳晉熙少陶拜序

序

夫黃鐘夫呂始成雲門之音太阿干將終騰霄漢之氣故質抱瑰
奇自軼凡響材懷鬱勃悉發精英亮由託體既殊呈象自異物之
有聲光人則為歌詠昔者屈宋諸子導揚於前李杜諸人繼軌在
後由其卓越加以精研故能希蹤古人俯待來者雖曰人為豈非
天授今觀於吾友金子之作而益驗余說之非誣矣夫其奇思橫
溢風采上引吐氣凌轡乎江漢言情託興乎河梁賦登高之景六
合匪遙工體物之情萬狀奔赴寫百靈之恍忽續千古之幽思蓋
其溯源晁哲嗣美前徽克衍詒謀用彰繩武祺以往歲避兵去家

傲屋江邑地名通德之鄉居近集賢之里時君 王父一士先生
齒高綺角志抗羲皇養望林泉耽遊邱壑擇選政之鑒別擅宏獎
之風流好學之事因老彌篤訂交之雅與年相忘 祺也追隨杖履
之暇論答酒筵之間得所為補讀齊詩受而誦之遺郁在口傾懷
在心康成之後宜生小同丁顛之孫實惟公雅復覩君製如數家
珍感懷舊遊彌益遙愴君今將為萬里之行不廢四方之志有懷
請纓吳假投筆草陳琳之檄濡亮當風揮祖生之鞭拔劍擊地文
章事業當更可觀至如 祺者 蜷屈一室蟲吟九秋伏雌不飛病鴛
難駕重承眷顧屬為序言竊念通家累世之誼又值良友惜別之
辰悽惻中懷倍難自遣惟冀後日者君歸遠方僕述道左話舊事
於席上出新詩於袖中相與竟日論文終夜命酒斯時之樂可預
識也爰歌驪唱用弁鴻編不辭悚惶輒叙顛末焉爾
同治歲次重光協洽孟冬之月武進徐壽祺桂瑤甫拜序

識月軒詩話一則

陳澧

金淮生司馬來粵晤談者屢矣氣宇和雅宜其能詩也近者見其所作芙蓉江上草堂詩稿其五言律句云春陰不成雨釀作一庭煙歸舟已昏黑溪水一條明何處是村落遙聞犬吠聲七言律句云得句每愁難屬對觀書常恐易終篇白雲滿地客何處啼鳥數聲花亂飛偶逢奇石向人立時有閒雲隨客畱含煙隄柳團濃綠隔霧溪花綴小紅短篷忽覺微陰覆知是紅橋乍過時江鄉我愧蕭閒甚只有扁舟一釣竿皆清妙可誦古詩佳者甚篇多長篇難於鈔錄然如書生無實用俗論多謗傷相期雪此言此願會可償

豪宕語尤可喜也

題詞

我遊崇川歸時歸自通州登臨興頗遂江山羅心胸雲水入夢寐瘦奴

肩吟囊拈題多即事情景難逼真存者什一二掩闕讀君詩語語

出我意章貢我舊遊往蹟從頭記全焦我新遊後先若把臂君詩

即我詩妙不闕文字惜我漸頹唐翰君饒斌媚荷芰棲鴛鴦蘭苔

戲翡翠春雲嶺上舒曉露花梢墜祖武洵堪繩謂今祖宗派別

有寄馮子何廉我社友品隲各深邃傷哉何遜亡沆瀣失同類馮

唐亦老矣音書遠莫致海內幾詩人俯仰重流淚期君進閣富休

全椒 薛時雨 慰農



國家圖書館, NATIONAL CENTRAL LIBRARY, TAIWAN, R.O.C.

明資鼓吹莫學醉吟翁
山林樹一幟

芙蓉江上草堂詩稿卷一

8 書所見

世人好學仙辟穀絕火食。食松與茹芝飛昇可。白日繫昔盤古時。
本食草木實及夫燧人氏始教烹飪熟。未聞燧人前盡得長生訣。
茫茫三神山仙人究誰識。天地妙循環有生必有滅。即擅不死方。
造物亦所疾。惟有太古人。沕穆本凝一。人皆享遐齡。何有仙凡別。
常言人善惡。冥報尤昭昭。人生所行事。纖屑無能逃。未知幾閻羅。
誅賞地府攝事。苟一一判冥司。亦知勞人心。且難測。安能察秋毫。

駭得倒 且 江

名論不刊

江陰

金則仁

泚生



NATIONAL CENTRAL LIBRARY, TAIWAN, R.O.C.

通人一言始是身

而况天好生陰律何紛淆旨哉吾儒言禍福祇自招此氣所感應其理本不遙且莫致窮詰此說非一朝亦寓勸懲意成見不必膠

工力悉敵弟桂安注

泛舟至泳鯉橋
紅樹青山外斜陽好放舟風多帆加健潮定櫓聲柔蓼折曾扶嶮蘋開為泛鷗數家臨水處柵杙任淹留

神味盡於弟桂安注

郡城歸舟聽雨
風雨能令咫尺遙蓬窗高枕聽瀟瀟不知舍北灣環水綠到村前

風骨自是似城妹且注

江上尋梅駕小舸紅羅一曲喜頻探本無色相容何豔便若胭脂品亦高夢到西湖驚絳霄客來東閣認緋祀巡簷索笑饒佳趣倍覺嫣然暖意叨

絕似平柳且注

漁翁
清晨理漁榜泛泛逐鷗鷺欸乃只聞聲盪入煙中去岸側水滌洄猶識舟行處

春日舟行
遊覽何嫌盪漿遮沿溪一任野航移短篷忽覺微陰覆知是紅橋乍過時

者邊景物倍堪遊。且自停梳欲暫留。忽漫好風來一陣。吹將小艇漾中流。

宿雨纔收一鏡平。綠楊兩岸聽啼鶯。每經絕好溪山處。逢著漁舸便問名。

納涼

漏催半夜露方凝。高閣涼生第幾層。仰視繁星猶絡索。預愁明日更炎蒸。

○夜坐

光陰迅速暗中移。颯爽三秋景最宜。萬籟共爭風過處。衆星俱讓月來時。吟詩還擬長城倚。縱酒何須大戶辭。多少羈人在天末。塞鴻消息漫遲遲。

○秋日至姬山小湖得四絕句

古藤十丈落陰涼。踏遍芒鞋引興長。行到橋邊還小立。夕陽兩岸聽鳴榔。

綠波如畫白蘋洲。柳色微黃繞渡頭。忽訝中流紅綽約。殘荷猶剩一枝秋。

穿過深林路一條。忽看茆舍住山腰。尋途欲訪幽人宅。尚有清谿隔幾橋。

少陵望白草
饒有以興
唐恬

四詩逼近位
洋與語

山重水複步遲遲。夕照蒼茫欲暮時。漁父似知秋色好，停舟多傍
蓼花枝。

登君山書院小憩

獨擅蓉城勝，登臨萬象呈。遠峯明夕照，高閣納江聲。古木森千尺，
幽禽時一鳴。此間容閉戶，不願逐浮名。

江陰歸舟作

霽色纔明駕艇還，人來畫裏聽潺潺。雲端只放三分月，雪後剛留
一尺山。柔櫓咿啞新漲外，遠帆明滅夕陽間。吾廬好在煙村佳，林
木蕭疎溪水環。

偶成

碧簾紅掛夕陽低，花影重重向晚迷。燕子忒忙巢未穩，柳梢先借
一枝棲。

芍藥

芳菲開盡總繽紛，婪尾還欣殿衆芬。三月春歸誰伴我，十年夢覺
又逢君。玉盤色異人爭看，金帶名標種孰分。只讓花王稱第一，自
教花相獨起羣。

鏡

虛堂懸處一塵無，望去先明月影俱。直使憑空起樓閣，却教依樣

別有寄託

幼字鍊
洋健
應恬

与随園作可孫瑜亮

畫葫蘆照來定可妍
甥判相對何曾喜
怒殊更有芙蓉微
及第當年嘉兆信非誣

8 納涼

得地能消暑閒居興若何
樓高延月早亭敞受風多
螢火明還滅蟬聲斷復拖
夜深心更迫忽送採蓮歌

秋夜

更深秋色正溶溶
高閣涼生第幾重
月影半階人未睡
一庭風露韻鳴蛩

8 村居

年來小隱占溪山
未礙柴門竟日關
睡美好將殘夢續
心虛頻把舊詩刪
草深荒徑鳴蛩冷
葉落空庭坐鳥閒
幾度新霜寒橘柚
垂簷秋色已爛斑

9 遣興

雨後山光落檻前
蕭蕭翠竹早秋天
谿深積水分流瀉
葉落斜陽倒影穿
得句每愁難脫稿
觀書常恐易終篇
蕭齋鎮日多欣賞
信有人間翰墨緣

先得我心

8 郡城歸舟至青巖墩偕謝薇生外兄杜子健表阮作

十里煙波遠歸來已暮霞
檣枝搖月碎帆影受風斜
近渚驚聞鷺

何校尚且注

國家圖書館, NATIONAL CENTRAL LIBRARY, TAIWAN, R.O.C.

荒陂開晚蛙泛舟借二客遊興此時賒

○ 落葉

時字韻不粘不脫
枝字韻寄託遙
深且徵後福

江上秋聲日夜馳又傳寒訊滿天涯疎林月冷烏啼夜舊徑風乾
鹿過時此日禁霜餘老幹他時承露待孫枝却看生意依然在休
抱淮南木落悲

弟桂安注

問字款新

零亂斜陽水一灣霜痕飄處尚爛斑攬和雨脚敲窗外攪碎秋心
在枕間有客攀條悲故國更誰尋夢到空山吳江波冷楓初落佳
句吟成且莫刪

○ 庚申四月上浣避難將赴閩省作

吾兄弟苦二語宜酌

難堪莫如離別語况當亂離間遠行更悲楚我生偏不辰
彈怒冠警已八年一朝竟難禦兵燹遍鄉閭何地稱樂土

齊致何減同谷
七歌 弟桂安注

少桂枝兒聲
打一口坎姓為
至文且無注

重聞向我言汝無兄弟苦走避宜早思南閩尚安堵道彼且依劉
莫惜寄人廡休憚跋涉勞余其早送汝二老已八旬扶杖形偃偻
吾親亦始哀家計艱彌補亂離忽遠行各自動悲憫慈兒年齒輕
憂兒道途阻一一代躊躇片時縈萬緒家貧挈眷難江村權避處
時全家避居未知兒行後一家更何所言及增酸辛吞聲不能吐
北鄉吳壘鳴咽前致辭骨月有時聚長吁竟出門出門淚如雨

途中誌警

驚心到處起烽煙遊子辭家倍愴然過客異言多誤殺前途凶信
易訛傳闕山路迥朝飛檄鼓角聲嚴夜泊船回望妖氛竟深入登
程莫漫重流連

舟至嘉興界道梗不前暫寓平湖鄉作此寄慨

沈着唐坊
隻身轉徙亂離間中道徘徊涕自潛阮籍窮途惟痛哭杜陵開道
望生還澤替鴻雁情誰恤蕃觸羝羊過更艱翻悔當時輕作別不
應撒手去鄉關

言之蹉跎且注
伶俜何處一枝安搔首長天思渺漫世亂却傷為客早囊空但覺
告人難蟲沙正值蒼生劫難黍偏逢野老歡村人郭姓回甚殷回首烽煙

猶未息何時歸去話團圞

遇同鄉人

三吳淪浩劫異地獨羈遲忽聽鄉音熟偏增客路悲未遑通款曲
各自訴流離烽火猶如此同歸待幾時真執手唐坊

泊吳淞江

底事入江海翻教足勝遊潮聲隨月湧雲氣挾山浮故國驚烽火
天涯動客愁吳淞今日過風阻又淹留時已阻風雨日

守風劉河口距家二百餘里遂舍海舟而行到處荒涼口占

絕句

風景真

弟桂注

音聲且注

沈痛不堪
是兵民

驚心怕見劫餘塵滿路腥風最愴神多少骷髏拋道側不知是賊

田園萬頃盡荒蕪瓦礫盈場到處俱觸目更勞回首望故鄉也似此間無

平原日落已黃昏投宿荒村早閉門四野哭聲聽不斷幾家剪紙夜招魂

前遊曾未半年違忽已蕭條對夕暉絕似鶴歸千歲後人民城郭

總依稀前出門時所經城市今蹂躪所過四無人煙不辨故道矣

九月上浣抵家即事

不能遂遠行能不戀鄉里。招回天外魂。免作路傍鬼。航海問道歸。一家祿悲喜。追言兒去後。烽煙驚四起。潛行麥隴間。慘慘危莫比。道兒幸先避。免共此流徙。嗣聞前途危。入無書一紙。翻悔令遠遊。行踪無定止。今汝忽歸來。回思轉流涕。驚定猶生憐。風塵面目改。還問舊相識。半作國殤死。相睽無幾時。滄桑倏變矣。且莫冀苟安。兵戈尚未已。何當携家去。共入桃源裏。

辛酉首夏述懷

江關蕭瑟恨何如。避寇偏難更卜居。得福轉因亡塞馬。餘殃尚恐及池魚。堪嗟人事多遷變。空望妖氛盡勦除。太息鶯花歌舞地。三

任以有
決不為別去

不着一字而白
博詩老雁却
林且通

筆去近杜

三氣盤打
鞋近香山

精警

沖樽卷白不
讓以實非
題壁 吳注

名句

吳回首盡成墟

細柳新蒲最動愁。書生常把杞人憂。明知草竊時難久。無奈瓜期
歲已過。鶴唳不堪頻報警。狼吞到處尚窮搜。白頭野老多情話。追
溯昇平也淚流。

猶憶當年曠日持。河山恢復屢愆期。國無嚴譴官多怠。將不窮追
寇易滋。竟使羊亡機早失。豈知烏合勢終離。即今幾處援軍集。可
憫憂勤
聖主思

雲霓常自望元戎。悽絕蒼蒼澤畔鴻。豈有城亡歸劫運。翻乘賊退
冒奇功。連山夕照烽煙紫。遍野春餘戰血紅。直北闕河猶擾攘。幾
時重見九州同。

滄海桑田劫未闌。那堪時節又春殘。感深吾道嗟何補。亂在人心
治最難。呼作馬牛曾漫應。處同燕雀敢偷安。有誰尋得桃源路。隔
却雲山歲月寬。

隴上作

憶昔將亂離。遠行辭大父。大父春秋高。欲行意原沮。厥後滯中途。
依然返衡宇。祖庭急問安。一見轉愁苦。溯自團鄉兵。羸老勇猶賈。
繼而復渡江。沉疴染難愈。迎養歸故居。醫藥總無補。悲哉竟溘逝。

和真執

穀秋

僅得六日聚差能視含歛早歸幸無阻更憶總角時含飴慣摩撫
泪乎方弱冠諳諳詳誨語白頭于一編文章示規矩扶杖必隨行
蓋書最進取至今渺難追回思益悲懣執硯空泣然恐難繩祖武
那堪南國賊群盜尚撐拒何時九州同家祭告我祖年週宿草生
寂寂掩黃土再拜奠酒漿悲懷哽難數日夕空歸來撲簌淚如雨
迴望暮門煙亦是含悲楚

大泗莊

陡覺江天朗開帆趁晚晴殘雲拖雨過新漲挾潮生村小還成市
途遙不計程劇憐今夜月偏照客舟明

秦興道中

依依楊柳拂春風芳草斜陽一徑通問路不欺知俗厚款賓有禮
識年豐連村樹色千重翠映水花枝兩面紅如此溪山最佳處劇
憐行旅太匆匆

鎮江舟次

孤帆纔見下揚州鐵甕城邊又泊舟客夢喜隨家北渡時全家已至江北
鄉心還共水東流無邊芳草迷瓜步不斷青山到石頭日暮空江
憑眺處茫茫鼓角動人愁

遊焦山

饒有唐音

入理不腐

秀峭

幾日停橈訪何妨絕頂躋林陰迷路遠山翠壓篷低可有高人隱
惟餘野鶴棲僧寮閒話久不覺夕陽西

大通鎮

繁華塵市水西東憑眺江頭歎轉篷客老孤舟忘歲月人經浩劫
悟窮通一身出入干戈裏千里稽遲道路中遙識高堂念遊子嶺
雲千疊盼征鴻

小孤山

九派來潯陽巨浸漚吳楚屹然小孤山中流作砥柱陡峭絕倚傍
矗立峙今古玲瓏一峯秀煙雲互吞吐何年祀仙姝馨翠闌殿宇

旁有彭郎磯附會資諧話一棹泝空江迷離值微雨篷窗縱遐矚
茲山快先覩風利不得泊登山興偏阻扁舟東下時斯遊會當補

登石鐘山遊紺園

名園蹊徑本天成一覽江山倍有情百戰尚思金鼓震湖口自癸
丑陷後至
丁巳克復凡五年山頂建千秋猶作石鐘鳴鄱湖水遠孤帆出廬
昭忠祠皆祀水軍戰沒者
岳雲開夕照明且向坡山樓上望不須月下小舟行臨江有坡仙
樓并刻石鐘
山記
於壁

風順口占

扁舟如葉剪江行我與湖山大有情更喜一番風順處小姑迎罷

大

大姑迎

舟過鞋山數里忽南風大作迴泊姑塘闕

鷓首今真退淹留入此闕水連天作岸風激浪成山島嶼蒼茫外

帆檣出沒間沙隄聊散步羨然白鷗閒

曉過峽江縣

解纜趁清曉南來第幾程雲低藏塔影風急亂灘聲古樹多歌岸

青山半入城夢迴殘月落江上一帆輕

廬陵道中

江流古字水澄清曲折沿溪不計程村樹含煙迷遠近山雲挾雨

亂陰晴獨憐天際孤帆影怕聽秋空一雁聲城市繁華風物美亂

離偏觸故鄉情

張家渡文信國公故里

半壁殘山可柰何虞淵日挽魯陽戈小朝莫挽偏安局大節無慚

正氣歌曾讀遺文欽凜烈相傳故里幸經過停舟渡口空懷古鳴

咽灘聲感恨多

十八灘

憶昨泊舟地城猶名萬安衆艇忽戒嚴為過十八灘章貢此合流

一束驚奔湍大石踞江面似欲相遮攔小石礪鋒刃波底排巒峴

善於奇險
景佳句闊大
與注

公讀特公三
詩
弟桂注

松老氣蒼
弟桂注

深潭訝莫測下有蛟龍蟠振舵石罅中擊刺羣篙攬遲速倘失勢
倏忽性命拌灘師偶絕叫心膽猶為寒蓬窗客愁生歎息行路難
當年趙清獻疎鑿力已殫安得五丁役盡剗亂石頑中流無搏擊
一瀉江河寬

半日過一灘一灘數驚喘况有十八灘灘灘盡奇險如入八陣圖
重圍竟難免如上九折坡羊腸屢旋轉小溜與大溜莫辨水深淺
更有天柱灘危途尤點慘水與石相搏終日聲震撼聞響氣先奪
并力因齊喊進寸退已百夫競牽挽紆回大不快推蓬且曠覽
風靜鷺鷥閒沿灘飛點點

舟中述懷

涉險嗟遊子方知行路難詩猶說惶恐
惶恐灘為十八灘之一文
文山詩惶恐灘頭說惶恐
即此信敢報平安客路三千里危途十八灘關山回首望思入白
雲端

攸鎮雨泊

松杉如沐總離披捲地狂風忽漫吹兩岸聲喧灘漲後萬山雲暝
雨來時篷窗急點驚殘夢茅屋寒煙濕晚炊頓覺清涼人意爽新
晴莫遣掛帆遲

自吉安至贛州計程五百里篷窗無事偶有所得輒韻之成

八絕句

蒲帆十幅剪江行。萬疊秋山次第迎。最好淡青濃碧處。一峯含雨一峯晴。

峯峯蒼翠映斜曛。曲徑羊腸細不分。忽漫半空樵唱落。一肩衝破嶺頭雲。

林壑蒼茫雨正霏。被風吹散又斜暉。斷雲一縷無歸處。飛入船窗傍客衣。

層巒疊嶂縱吟眸。雲水光中盪一舟。忽訝篷窗生暝色。數峯突兀壓船頭。

奇而確
第桂注

此景就歷者
不能道
第桂注

沿崖曲折布帆開。出得平沙暗自猜。回望雲山杳。無路扁舟不信此中來。

水天上下映晴虹。睡起推篷趁晚風。遠望浮圖金碧處。江城如畫夕陽紅。

想見胸次之寬
後福無量
第桂注

飛湍激浪石縱橫。牽挽連朝滯客行。此日上灘休悵望。他時順水是歸程。

吉水清連贛水清。江山日日動遊情。每逢佳處都吟遍。好把新詩當紀程。

8 贛州登八境臺

十字氣象

第千
第桂注

八境開圖畫千秋勝蹟留風雲通嶺表形勢壯虔州秀挹崆峒翠
平吞章貢流坡公題句在登眺一停舟

8 零都道中

山重水複路迢迢劫後秋榕葉未凋古岸泥高堅似石亂灘雨足
漲如潮趁墟歸向斜陽晚結寨居從絕壁遙祇覺炎荒風景異不
妨隨意紀歌謠

抵會昌呈外舅素庵先生

矍鑠精神志益堅入携琴鶴到南天六旬蔗境逢今日七邑棠陰
記昔年初仕安徽歷任建德望江繁昌貴池等縣副
仕江西歷任武甯石城瑞金等縣凡七邑猶是鄰封思

政績前任瑞金士民畏最難治譜紹家傳太岳刺史公服
威懷德曰境肅然自慚無補為紀循良次第編官以廉明稱最壻鄉祇

9 榕齋即事

小雨初收後開庭獨立時夜寒孤雁警秋老一螢知澗曲泉流細
山深月到遲垂簷多橘柚風景淡相宜

8 渡湘江登北山遊六祖寺

我登白雲亭遙望聳梵宇登署後白雲亭見六祖
寺在峯巒蒼翠之間佳處留山坳一
水路偏阻乘輿偶來遊空濛駕柔櫓舍舟踏山石犖确行里許澗
斷微雲通林疎遠岑補天晴朗眾峯石罅滴泉乳入寺且幽憇寺

名句

第桂注

簡老

第桂注

名稽六祖。唐時號梵行。磨碣為攷。古橘柚紛紅黃。纍纍壓堂廡。老僧掃落葉。山茶淪泉茗。禪房坐已曛。炊煙起縷縷。薄暮歸途促。嶺外月初吐。忽送一聲鐘。蒼茫隔煙渚。

探梅歸途借施立之。建治蔣醉園。萼聯句並折枝分贈叢瀛。

石占鰲觀察吳樵孫朝宗丁茂齋世培孫芷香芳三明府。

黃貫齋經史參軍。

夙有尋花約。醉園探梅到水濱。正逢開一樹。立之不速到三人。老幹初霏雪。淮生歸途共帶春。幾枝分贈去。醉園好與結芳隣。立之。

瀛石觀察用捲簾體次韻索和。

共結歲寒友。原宜松竹鄰。乍銷江上雪。分贈隴頭春。醉韻方連日。尋芳又幾人。謂東竹一諸君還應驢背跨。重訪灞橋濱。

沈瘦堂大令國藩和前折梅聯句並繪梅花橫幅見贈賦謝。

江邊一樹衝寒開。梅花開處春風來。官閣詩人動詩興。可惜健步難移。裁君作梅花詩。詩中能畫豈知能畫如。能詩寫上生綃。送奇怪墨痕枯瘦妙入神。逃禪老人身外身。初疑月地墮香影。便與孤山娛好看。一幅相遺趣橫溢。細數枝南與枝北。披圖琴帚到江邊。一笑相逢舊相識。

清江鄒孝子封股行

推許之旌
該非敬之非
乃友誼清
酌巨晏詩

孝子名上德字有年性至孝其父客蜀卒於途喪至家哀毀骨立後母病劇以少子遠出不得一見為憾孝子焚香默禱封股以進疾遂稍痊然不久如故迄不獲見少子而終孝子哭泣三年事載邑乘壬戌冬其嗣君蓮峯學博以封股記事裝冊徵詩

孝經教孝本有方身體髮膚無毀傷孝子盡孝身不顧庸行乃以奇節著先生至孝世所推一篇記事始末該乃翁須蜀返旅櫬一痛幾絕何悲哀誰知風木鴛難已萱闈又染沈疴矣子規啼血雙淚枯少子未歸愁不起倉皇難覓長生藥曾說有湯命堪續此身本是父母生何惜區區一塊肉引刀割肉裂帛纏焚香默禱情何專一醫進母疾稍愈已見至誠能格天嗚呼至誠格天竟如此我今作歌告人予

樵孫茂齋芷香三明府更番治具招集鴻雪軒亦歲暮一樂也席上口占

杯盤連日撥卮厨綠酒紅燈且共娛百斗未曾酣李白余素不一善飲
毛原不拔楊朱諸公手試烹鮮妙賤子心偏飽德腴也算客中逢
勝會此番鴻雪記能無

送別樵孫茂齋芷香三明府

過從頻番忽唱驪搏沙吹散悵臨歧重逢定遂三生願小聚剛逾
兩月期棠蔭尚欣留舊治梅花還共賦新詩不才自愧千金帚却
荷逢人說項斯

萍聚天涯好共敦幾回觴詠樂晨昏鶯花後日虛良會鴻雪當年
認舊痕此去奇文誰共賞何時別緒更重論憐他江畔春初柳未
放長條也斷魂

○ 硯孫從兄歿於襄陽詩以寄輓
不盡漂搖感聞君解脫詩沈疴吳遠道兄夙有亂世已長辭黑劫
痼疾愁難挽黃泉痛不知人琴遠嘆逝客路獨淒其

擾攘干戈日天涯歎隻身鄧攸常抱痛兄無子以堂弟奉倩早傷
詒孫兄子為嗣神是年三月歿於宋臺遠客三千里勞生五十春全家猶泛宅易篲最酸
辛

一唱公無渡舟中哭失聲兄自襄陽赴武昌解纜賈生悲賦鵬太
甫二十里歿於舟中白愛騎鯨湖畔愁青草堂前憶紫荊移家湘水曲悽絕鷓鴣鳴定
後全家即
赴湖南

擊楫大江橫蒼茫鐵甕城壬戌四月同於京暫離成永訣入夢恍
口渡江沂流西上平生望遠棺難拊開緘淚已傾當時分于處歷歷記分明
有弟嗟分散含悲念阿蒙怕吟啼鳥句予四齡時曾口授以春眠
不覺曉處處聞啼鳥一詩

情云狀
想先友于
且注

NATIONAL CENTRAL LIBRARY, TAIWAN, R.O.C.

真情景
弟桂海

脫口成誦。悽斷紙鳶風。兄甚喜。雖幼必挈借往。余少小情難忘。平安信未通。

招魂何處哭。明月照青楓。

憶昔辭官早。還鄉衣錦榮。風塵羞俗吏。戎馬見書生。兄任旌德縣時曾拒賊於

黃花一第名誰繼。吾家自兄乙未北闈發。三吳亂未平。不堪門祚

薄。長使淚縱橫。

旅櫬猶飄泊。艱難土一杯。兄旅櫬權厝武昌。吳雲悲極。目楚水。黯生愁。夢

破紅羊劫。魂依黃鶴樓。先塋何日傍。轉使憶松楸。

挹翠軒卽事

瞥眼韶光徧。天涯客思牽。情深詩有債。量淺酒無緣。鳥向閨中狎

花從靜裏妍。春陰不成雨。釀濕一庭煙。

送蔣醉園返南昌

賞菊評梅屢。唱酬交因文字契。深投吟豪情。挾千秋想。世亂身輕

萬里遊。浩劫蟲沙曾共歷。新痕鴻雪却同留。那堪正送春歸去。又

送君歸黯別愁。

病起

不覺動吟興。何時換物華。新春偏惹夢。多病易思家。入饌初鋤筍

分泥更種花。微風入庭樹。為掩碧窗紗。

春晚偶成

偶然拈韻獨敲推好景應須好句催
雨過焜痕隨霧散日斜山影渡江來
天涯人遠愁紅藥客館春深閑綠苔
惆悵家園風物改可憐懷抱幾時開

大雨

疑捲江河水憑空倒瀉奇波濤千樹亞
風雨一亭危佳節黃梅過新涼翠簟知
喧飈聲不斷遙識漲灘時

望家書

屈指隔重慈一年又半矣何以慰羈愁
所幸書一紙憶昔別母時干戈方未已
長江限南北擾擾苦流徙家貧親且老
飢驅無定止

讀此已令鼻酸
弟桂注

遙知倚閭人日日念遊子
昨宵魂夢中髣髴歸鄉里
中夜起徘徊

夢境難懸擬頻望消息來萬全真可抵
胡為年復年沉沉竟如此
自出行後家書未一至也
登高望白雲獨歎秋風裏

遠遊別吾母幸從吾父行何期又適楚
仍隔三千程阿咸鎮襄陽


時逸亭兄觀察襄陽藉慰羈旅情一卷紀行詩寄示原詳明
到襄陽後曾寄

今春赴三湘流轉何頻頻逸兄罷官後候已易鵬
書未傳鴻鱗

自益春至今道路既無阻久滯知何因
陟岵屢瞻望孺慕奚由伸

浮沉且莫歎色笑何時親縱有一紙書
瑣碎難具陳安得縮地方

問對長趨庭



國家圖書館, NATIONAL CENTRAL LIBRARY, TAIWAN, R.O.C



芙蓉江上草堂詩稿卷二

琴江即事

半年踪跡滯偏隅，風景頻番紀客途。
天氣燠寒昏晝異，溪流消長雨晴殊。
江頭浪靜魚偏躍，樹杪枝危鳥自趺。
最愛秋光濃淡處，倩誰粉本繪成圖。

四合峰巒隱似環，孤城莽莽萬重間。
連朝積雨蛟騰壑，積雨數日即起蛟
滿路腥風虎過山。虎自他處來者聚散頻驚嵐瘴重，
卷舒翻羨嶺雲閒。俗謂虎過山天涯放棹還

邵奕 題

江陰

全則仁

泚生



8 莊明府耀采鳳威政績詩為陳柏堂孝廉許吉庭司馬作

莊令山陰有惠政山陰城陷至癸亥克復莊尤有功陳許

兩君被蜚語中傷莊為剖白得免兩君為紀其政績徵詩

巖城恢復績原奇惠政尤留去後思拔薤威名從此振徙薪遠慮

有誰知以與豪右不合及籌戰守枕戈敢忘瘡痍苦免冑重瞻父

母慈虎口餘生酬守志也緣公德蔭瓊杖氏予真弟也聞信矢志

自守後復從賊中逸出人以為守志之報云

太息滄桑劫未竊孤城未竟合圍攻旋因攻城礮裂二國兵攻紹郡

軍皆潰已看棄甲諸軍潰猶領團丁一隊雄明府領鄉團數百人

東亭初思注

軍潰明府獨木退多設疑兵以待援草野同心甘赴敵花門務面

願從戎若非慷慨輸忠勇安見羣夷拜令公遂與夷首約凡有所

需悉與供辭無得縱一平入村舍夷人感動如約

噩耗傳來淚暗吞越王臺畔共攀棘城克復前十餘日忽丁大夫

留不哀音已廢莪蒿讀直道還明蕙苾寬明府之供其夫人也傲

破夷人索賂十萬金有陰誣於大帥前者謂但具諸人實狀之而

自昔棠圻貽惠澤於今泰谷轉春溫他年德政碑重紀白叟黃童

8 野望

仙字
弟桂注

寒山石徑斜行歌過樵者黃葉一肩挑衝雲歸去也

出部間眺

斗大孤城在千巖萬壑中秋風延野燒夜雨漲山洪雨後溪水陡長俗稱山洪

衰草寒猶綠孤花晚更紅鄉心何處寄煙外數聲鴻

寂寞荒郊外閒行遣客懷橋惟支獨木屋每結懸厓林瘦樹全秃

雲多峯半埋江山感蕭瑟何事滯天涯

九龍十八灘石城險道也歸舟過此其險有突過贛州十八

灘者為賦七古一首

最爾小邑深山中當年開闢亦草創劈開羣峽通江河亂石中流

全未埽任他水石相搏激成此危途世應少我歸却乘下水船疊

嶂層巒苦窳窳但見旋渦滿灘沸飛湍奮激疾於鳥森排形似衆

星布喧飀勢駭狂瀾倒百怪紛伏牛渚磯萬弩夾射馬陵道縈紆

不數九折危遲速祇爭一線巧更有龍口尤嶙峋小龍大龍各濛

繞水高何止一大強驟下深虞舟莫保何年廟宇祠龍神割雞漚

血致虔禱入坎出坎真須臾且向蓬窗豁懷抱但看兩岸去如飛

不用乘風駕帆飽到此何愁行路難但覺急流歸去好

遊東湖百花洲

不須高閣問滕王城市山林趣更長洲繞古花堤萬柳最宜亭榭

鍊字
鍊字
鍊字

使人心驚膽
慄
中對句
唐坊

絕似
中對句
唐坊

水中央

蓮塘梅塢儘勾留。銷暑衝寒次第遊。花木四時工位置。不徒佳日

在春秋。

憑欄四望極空冥。何處鐘魚最動聽。只隔紅橋波一曲。阿誰渡到

水心亭。

琴床石磴漫留題。小壘峯巒不厭低。更向蘇翁亭上望。綠陰穿過

一條堤。

宿雨初收似鏡平。樓臺高下夕陽明。誰家池館遙相望。長笛參差

弄晚晴。

遠渚蒼茫泛鷺鷥。漁舟泊岸網初收。嘗茶到此真如畫。山色湖光

共一樓。

康郎山

放眼江湖濶。蓬窗客自閒。沙明殘雪後。帆隱暮雲間。水落分諸港。

林疎露遠山。當年鏖戰處。猶覺土花斑。

舟中憶內

小聚纔經月。匆匆況歲闌。家貧催別易。道遠寄書難。努力加餐飯。

何人問煨寒。低頭青篛底。祇覺影形單。

病裏難為別。飢驅祇自慚。却俟君尚悔。作客我何堪。骨肉離情重。

甲賢人

去極沈痛

風塵世味語何年遂借隱一棹返江南

除夕作家書

紅燭清樽度歲時人家團集夜遲遲那堪旅館寒燈下獨寫家書
話別離

春日初霽偕同人至浮梁縣城得三絕句

寒暄正是適中初雲斂山青值雨餘最好春遊似圖畫菜花香裏
坐籃輿
桃花楊柳豔差差容裏尋芳不厭遲底事臨風獨惆悵故鄉三月
踏青時

草木春城到處荒幾回浩劫感滄桑多情只有尋巢燕飛上枝頭
話夕陽

登撫州擬岷臺和李秀峯韻

百戰孤城在巍然峙此樓幾經烽火劫不盡古今愁山色富甯落
江聲抱郭流誰追羊叔子遐想寄千秋

題畫

滿湖風緊塔鈴哀兩岸蘆花雪作堆萬疊青山千疊浪一帆飛渡
過江來

李秀峯見示舊遊廬山諸詩即用其和紫霞真人遊白鹿洞

四詩情真
語勢令人
不忍卒讀

歌原韻率成一章以誌嚮往

我昔渡彭蠡始見匡廬峯可惜風利不得泊船頭
悵望雲重重李侯有佳句題遍青芙蓉七賢五老恣吟眺
真人謂我廬山逢嗟我局促受鞿韉何時塵夢醒
晨鐘會當與君訪赤松振衣長嘯驚虬龍驚虬龍
友麋鹿石可餐霞可服舊約遊山諾不宿為我佳處結
茆屋招得匡君來伴讀

悼子四首

太上能忘情彭殤本同視乃至骨肉間偏難悟斯理
况因門祚計不獨憐少子今歲喪二雛碩果僅存爾
與兒復別離萍踪時轉徙

聞汝初得疾但云下痢耳匝月隕其生嗚呼竟以此曇花悲一現
歲月去如駛吁嗟四齡事追悼情難已

憶兒墮地時雷雨當初生骨格自岸異豈獨微啼聲口授五言詩
牙牙記誦清三歲繞地走不假扶持行肅客知担揖輒復問姓名
嶄然露頭角見者譽聰明蠢婢慣提抱相依尤有情泥中偶遭撻
超救不顧身平時瑣屑事一一難縷陳豈其具夙慧來去自有因
祇益父母悲痛惜相交并

汝弟方乳哺先以春正殤汝妹益何慘夜卧驚顏牆是年正月次
子殤三月月初
大雨倒牆今又弱一个昌禁中情傷生前共索笑繞膝欣成行此
幼女壓焉

時土一邱弟妹還相將。魂小莫輕分。飄泊如何方。携手倘歸來。泉
路應茫茫。蕭條東郭外。城闕遙相望。日暮羣鳥飛。携鷓道旁獨。

立一揮涕。悲風動白楊。

吾父客三湘。日望含飴弄。書來頻問爾。尤以似續重。慨我更遠行。
飢驅有何用。汝病呼阿爺。永訣未汝送。旅館一燈青。祇自驚噩夢。
兒平之日。適予館臨川。登程益憂疑。入門惟一慟。衫裳與戲具。觸
是夕似夢兒來訣別者。目俱增痛。俯首悲填膺。仰視天骨骨。聊作斷腸詞。銜哀自吟詠。

○建昌道中阻雪。越日雪霽曉行。

一夜蓬窗寒澈骨。曉看千山萬山雪。榜人解纜寒江邊。雪深沒髀

筆書幽打而 秀雅近島佛

肌膚裂。篙滑凌寒競打水。衝撞漸聽流澌活。千層細碎分瓊瑤。一
路琤琮奏琴瑟。船頭嘯傲誇奇觀。祇覺詩情更清絕。茫茫四顧真
無涯。到此始知天地濶。林缺俄驚一點紅。東方杲杲耀初日。

○遊從姑山

在郡城東南五里。上有飛鰲峯。滴翠崖。一線天。步
天橋。諸勝昔人多刻大字於絕壁。聞亦奇觀也。

麻姑稱福地

麻姑山與從姑山相去約十
餘里。有丹霞福地諸勝。茲山奚名。從不聞大姑山。

小姑侍御充。豈必統乎尊。屈汝為附庸。攬勝自茲始。勝境將毋同。

譬如訪佳客。以此為先容。出郭二三里。秀媚青芙蓉。何年飛巨鰲。

到此成奇峯。巉岩怒欲壓。古寺嵌當中。偶然一舉首。突兀驚雙瞳。

旁有滴翠崖。泉石尤玲瓏。黝然油米洞。附會誇神功。崖側有油米
二洞。俗傳曾

下語如鑄

出油及米為縹流。磨生劈窠字。一一撐青空。峭壁裂一線。上有天
熱脩費亦一奇也。橋通想見巨靈擘。生面開鴻濛。絕頂罕人跡。時有仙靈蹤。明當赴
仙壇。鸞鶴應相逢。

○遊麻姑山 在郡城西南十里有仙壇即王方平會麻姑處
唐顏魯公有記山中勝境極多龍門橋瀑布尤擅

盱江江頭十日雨。夢魂夜夜遊仙府。遊從姑後即擬遊麻姑為積
雨所阻然夢至仙壇髣髴覩
仙真者。東風吹作三日晴。許我遊山約。遊侶出城蒼翠撲人來。指
點仙山快先覩。峯迴路轉高入雲。彩虹一道長橋俯。飛湍直落千
丈強。下有蛟龍不敢怒。深下有金龍潭其深仙壇寂寞靈風號。想

像當年眾仙聚。手如鳥爪髣髴垂。曾擲丹砂擗麟脯。我來憑眺經
千年。水淺蓬萊復幾許。魯公斷碣頻摩挲。落落長松更奇古。魯公
記碑猶存壁間壇前古松老僧指示神功泉。澗旁神功泉餉我山
一林相傳為魯公手植茶淪泉煮花開湖谷紛爛漫。攝石捫蘿恣採取。盤桓未已夕陽催
匆促。歸途勇猶賈。祇慚勝跡未窮探。更按山圖一一數。今宵星斗
空山寒。夢中還向斯遊補。

○郡齋雜詠

丙寅冬余來建郡即居署之西齋客子光陰已逾半載郭
林宗逆旅一宿無間焚埽况朝斯夕斯於此中得少佳趣

故昔小園賦陋室銘摹繪物情讀之每為神往因即景成句積句成篇遣興消閒不嫌鄙俚時丁卯五月望日也

郡齋居西偏舊時名萊竹池館閱滄桑荒涼惟滿月繫我客盱江
蝸居於此卜折松以掃樛牽蘿為補屋艾蕪復去穢暇輒擾僮僕
竹几與繩床縱橫不嫌感畫楹題新詩紙窗糊幅幅好花不知名
瓶供時一束庭除多隙地沿緣種秋菊灌溉汲井華泉甘又土沃

真意黃注

異草不剪除滿室映成綠橘柚已纍纍吹墜猶未熟風雨颯然至
泉卉盡如沐池水清且淺時有鳥來浴遊魚近不隔觸手試一捉
日涉便成趣矯首更遐矚遙指麻姑山參差露屋角蒼蒼翠翠中

隱約見飛瀑園側掩雙扉幽人時剝啄開徑望羊求往來任數數
相與忘形骸不知主賓孰說詩茶一甌節談棋一局官舍雖諠囂
此地頗不俗原知鴻印泥斯堂非我屬閒情聊諷咏絕不厭煩複
書之齋壁間後來還可續

字穩愜名物可擊

○六月上浣將赴金陵留別趙一臣惟熙明府

才人汪屬

一見如相識風流是我師才人多好色仙史必能詩韻事傳菱角
野人送菱角君新聲譜竹枝近賦時江竹擗沙忽吹散愁絕掛帆
與余均有詩

時

8 許灣道中

三聯用意更奇

雷雨初收又晚霞，溪山曲折出平沙。漿因水淺每雙攔，帆為風橫時一斜。卸尾竹簾分客貨，平頭茆屋住田家。征途百里頻回首，從此江湖別路賒。

○板子磯懷古 明黃得功敗左兵處

歎息前朝事，扁舟又此過。強藩將問鼎，同室竟操戈。天子徵歌急，權奸竊柄多。磯邊懷古意，嗚咽付江波。

○雨花臺 由聚寶門經長干里里許即至臺左舊有木末亭今

乍出長干里，難尋木末亭。斯臺獨高峙，戰血尚餘腥。一代論人傑，千秋據地形。中原氛未靖，哀雁不堪聽。

○里門雜感

旅客重歸閱四年，老青荒紫暮秋天。一花一木多情甚，歷劫相逢也悵然。
甲子秋季曾自江右回里

廬井蕭條對夕暉，凋零朋舊更何依。里門食宿渾無定，亂後還家不當歸。

獨上秋墳又幾回，傷心一陌紙錢灰。年年此日豚魚薦，曾見慈親手作來。

登北固山遊甘露寺

危峯獨立迥凌虛，萬里蒼茫眼界舒。第一江山推北固，
延陵吳塔刻大字於

語淺意深不
堪平淡
弟桂注

壁間曰天下千秋形勢壯南徐孤亭直欲超雲表臨江極高處
第一江山有摩雲亭塔猶存歷劫餘說到滄桑增感慨寺門憑眺意何如

遊焦山

小序尤佳

序致物有作去
已不負新游矣

弟桂注

丁卯小春阻風京口。曉起至江干眺望。是時朝霞掩映。雲
氣連江。環視諸峯。皆若有若無。莫可辨識。而焦山一序如
在天際。頗更氣清天朗。翳障悉空。亟偕同人掉舟往遊。片
刻已達南麓。由山右旋。訪焦隱處。經別峯。庵觀音崖。徧歷
蹊徑。登絕頂。海天一色。洵為天下奇觀。旋下山。入海雲庵。
松寥閣。諸處小憩。并至定慧寺。觀周鼎。漢鑪。諸葛銅鼓。瘞
鶴銘碑。皆先怪陸離。純乎古物。而周鼎一器。尤為罕有。相
與摩挲久之。無何返照入江。暮鐘將動。仍返舟。傍象山北
回。泝流而行。峭壁奇峯。目不給賞。是日浪靜風恬。江光如
鏡。有遊山之樂。而無涉波之恐。爰紀以詩。

狀真山貌累
絕工非就歷
者不知怪此且
姜誼

曠曉色開。扶桑水先接。天雲連江一痕翠。黛出雲表。虛無縹緲。
江中央。初疑可望不可即。仙山遙指煙蒼茫。須臾盡掃衆峰出。快
哉一葦原可杭。順流十里到山麓。古木森秀羅成行。盤旋至頂豁
開朗。天容海色同青蒼。大江浩浩日奔瀉。東南巨澗何汪洋。茲山
萬古流不去。怒濤駭浪時春撞。山腰更訪焦隱處。古洞深窈岩花

神似大蘇註

一信尤有江上
峯秀之致
弟桂漁

工於狀物極
似不移與注

香老僧携鋤採芝術。一徑導引歸禪堂。摩挲舊物列周鼎。相與考
古彌精詳。山門留此作永鎮。魑魅驚走蛟龍藏。當年瘞鶴剎。碑石
字畫斷缺空。傍徨得遊名山願。已慰况覩寶物神逾揚。蒲團茶話
更良久。松寥閣外俄斜陽。出門一笑竟歸去。打漿不覺長波長。是
時澄江淨如練。衆峯環列皆屏張。中流回望碧螺髻。玉鬢招手仙
人鄉。

詠火輪船

嘆夷之入中國。以船為最利。日行千里。有千里馬等名目。
余甲子年回里。於九江附夷船至鎮江。一日即至今鎮江。
為嘆夷碼頭。火輪船多泊於此。

峩峩千里馬。西洋稱巨舸。非車乃用輪。涉水翻利火。首尾形如梭。
重樓成豁閣。分房儼樓閣。排列右復左。煙起聲隆隆。兩旁迅轉輾。
上有機如衡。時抗以時墮。激浪拖餘波。遙舟尚掀播。有時遇鷺鷥。
飛行仍貼妥。潯陽達揚子。為期一日。豈有縮地。於渾疑天上坐。
繫余曾乘此。偏虞夷性匹。憶昔嚴海阮。惜哉論未果。遂令十餘年。
中夏遍貽禍。深目與卷鬚。橫行醜徒夥。
聖世雖羈縻。防閑毋弛愒。值此時勢艱。誰能勝擔荷。書生抱杞憂。
敷陳不嫌瑣。臨風一放歌。江波何淡沲。

○登天門山即西梁山在和州境

煙雲萬疊望中收。山勢嵯峨據上游。百戰頻年餘故壘。雙峯對峙東江流。玲瓏絕壁懸飛閣。寥泲長天接遠洲。好向征途同攬勝。不妨到處儘勾留。

○風順至馬當舟人因風過大泊舟戲作一首

驚濤如雪捲長天。柁棹連檣倍悵然。此日江神應笑我。馬當風順不開船。

○清曉望小姑山在煙雲香藹間

山色船頭辨有無。一峯隱秀不嫌孤。曉江指得明如鏡。霧鬢雲鬟

看小姑。

江行

薄暝寒風驟孤帆。江山行夕陽雲忽漏。放出一峯明。

吳城大風

顛風斷渡各停舟。我獨乘風快壯遊。掛起蒲帆纔一幅。浪花飛雨濺船頭。

○晏妃墓

香土曾埋玉骨清。夕陽芳草共愁生。東流一片西江水。隱約還聞鳴咽聲。

環珮魂歸入幾時
粧樓何處覓荒基
故宮禾黍蒼茫感
怕讀蒼生第二碑

逆流漫說莖江波
更比湘靈飲恨多
野老猶傳亡國怨
插秧時節唱秧歌

8 抵章門即事

歸來聊共賦閒居
翻悔當時作計疎
瑋瑋秋風憐下第
鬱蔥佳氣喜充闕
時生兒已四閨人
意漫論辛苦三條燭
且報平安一紙書
時寄湖遊遍江山
名勝處此行也算
不曾虛

一上亂脫後
徑自然
唐昉

芙蓉江上草堂詩稿卷三

江陰 金則仁 泚生



戊辰春仲將赴長沙省親繞道至吉安閱府試卷感賦二律
纔掛征帆便悵然連天風雨暮雲邊
奔馳客路頻千里睽隔高堂已七年
忍使桑榆違色養敢因兒女遂情牽
空囊且莫嫌羞澀尚有新詩貯百篇

可笑萍踪不自由半途鴻雪又勾留
關心樽酒懷前度余內經古太守時任廬陵滿眼雲山感舊遊
差喜三湘原接壤不妨兩月暫停舟
此邦文物從頭數六一休風尚在不

連日雨行口占

瀟瀟風雨打孤篷。盡日舟行掩藹中。新漲又添三尺水。峭寒斜掠一帆風。含煙堤柳團濃綠。隔霧溪花綴小紅。遙指前山信竒絕。飛泉百道掛長虹。

臨江道中雜詠

入春雨不止。日日苦陰淫。萬山吼瀑泉。并作一江注。洪溜爭喧豗。滔滔駛奔赴。况逢兩崖間。束縛激其怒。巨浪湧如山。亂石轟如鋸。嗟余趨客程。扁舟獨上沂。非藉牽挽勞。詎得移寸步。獵獵北風寒。快哉一帆助。風水兩相爭。而我竟飛渡。浪花濺征衣。嘯傲亦成趣。笑指下水船。停橈君且住。

袁鏡清絕
筆力雅近之
韋 庭昉

茆茨四五間。何年在山麓。溪流環其前。四圍盡松竹。濃綠漬不分。野桃紅一簇。淙淙田水聲。依稀奏琴筑。斜陽忽穿林。歸雲時擁屋。孤釣頗還支。凌競過黃犢。新漲偶侵門。鵝鴨爭向浴。老漁得鱖鱗。換酒往來熟。禽鳥亦忘機。飛鳴安飲啄。此中有佳趣。蕭然遠塵俗。自嘆世網櫻。頻年苦拘束。停舟適相值。鄉心頓振觸。何日返江村。幽居遂耕讀。名利等浮漚。一笑萬事足。

題李秀峯匡山讀書圖

千岩萬壑百重泉。坐對匡廬手一編。遙指孤亭山翠裏。抱琴應向

此中眠

良遊我倘踐前盟選勝親從畫裏行記取斷崖飛瀑處尋君好聽

讀書聲

輓吳樵孫朝宗太守

薤露俄傳淚暗吞茫茫天道竟難論當年治行曾稱最所公為中丞 薦章並奏此地蒼生尚感恩猶幸暮年歸志遂誰於薄俗古風存詞廬陵

科名累世多陰德會見重興駟馬門

幾度螺川繫客船孟公投轄每拳拳重來入認飛鴻迹一慟驚聞

化鶴年余兩經吉安時公任廬陵皆欵留甚摯遠道何時陳絮酒

於伍昂見筆力於仿何欠性真廬坊

高山此後息琴弦不堪踏蹬風塵日哭到知音倍黯然

吉安試院戲作

頻年月旦豈容誣剖別妍媸列郡殊余幕遊各郡縣皆兼閱卷事 忽憶畫眉深

淺樣自家知否入時無

披圖也比小登龍發軔雲程是此中多少香閨傳吉語弓鞋初試

一雙紅郡俗府縣試出紫有名者其婦易著紅鞋

題李明齋賢誌二尹鶴舸圖舟中書畫羅列並有美人蓮葉

吳娃盪槳麗如仙書畫隨身舊有緣佳話千秋君並擅鳴夷一舸

米家船

僅領鄒時採卷長事以此廬坊

風雅如君未易攀
琴樽畫舫足盤桓
江鄉我愧蕭閒甚
只有扁舟一釣竿

試院雜咏

吉郡試院與同校諸君歡集四十餘日萍踪適合具有前緣各紀一詩聊誌遊跡他日披閱庶幾如對故人詞之工拙非所計也

錦衣搖玉珮
颯爽多英姿
羽林曾校射
猶記少年時
鄂卓觀察靜山名定祥長

相聚復分散
兩人各異迹
我是適楚南
君是歸楚北
萬孝廉翔雲名谷鵬黃岡

人

網古窮源流
好硯竟成癖
我無海嶽庵
摩挲空歎息
張明經小琴名桐天津人
七葉綿全貂
豪華史風雅
百幅棊枰圖
一筆便揮灑
李二尹明齋名賢詰錢嶺

說鬼到夜分
空房客獨宿
風動簾帷閒
搖搖一燈綠
賀茂才滋泉名國蕃洋鄉
人君所居齋素有鬼同人夜集復說鬼以恐之君不為動
材藝君獨優
詩書稱兩絕
努力繼前賢
臨川一枝筆
桂茂才靖如名佩沅臨川

辛苦賊中來
書生何勇敢
君家舊有名
一身都是膽
趙茂才鶴秋名完壁涇縣

竹短袂長
與注

人君被賊據屢瀕於危君自
言臨危皆能無懼故免於難

○新淦道中

緩放征橈喜乍晴歸雲斷續午風輕垂楊一路搖殘滴猶向低篷
作雨聲

劇憐行旅太匆匆傍嶺沿崖曲折通差喜山花破岑寂窺窗時入
一枝紅

○新喻道中

日日郵程記驚心客路賒風多帆鼓腹灘險石磨牙好鳥啼叢篠
遊魚唼落花溪山幽絕處羨煞野人家

○途中雜詠

連朝疑向畫圖行極目雲山入幾程最愛新晴灘漲急綠楊陰裏
水車聲

雲樹蒼茫霽色開綠波如畫水滢洄篷窗閒凭拋殘粒引得遊魚
逐隊來

髣髴仙源路尚賒水雲深處有人家此中不識春多少流出前溪
百種花

每到停舟逸興添征途風味亦何嫌山肴野蕪都清脆更有村醪
一味甜

如畫

第桂江

昌山晚泊

兩山中斷處。瞥見一河流。過脈留灘石。聞聲動客愁。千重村樹暗。四野暮雲浮。欲問嚴家事。悲風滿渡頭。

袁州道中

參差漁笛隔江聞。西嶼蒼茫日入昏。亂石橫灘山過脈。孤根拔地樹盤筋。水牛帶犢浮溪漲。野鳥呼羣渡嶺雲。最喜停橈香撲鼻。岩花相對落紛紛。

湘河舟次

七澤三湘地。扁舟入此過。風塵頻跋涉。歲月易消磨。獨客憐吳語。閒吟入楚歌。汀洲有蘭芷。采采意如何。

抵長沙即事

人生有至樂。天倫乃為最。繫我獨遠遊。望雲頓感慨。一朝遂趨庭。悲喜疑夢寐。溯自壬戌秋。迄今戊辰歲。其間七年事。并作一夕話。乍見轉無語。徐徐陳梗概。所嗟惟亂離。重慈遽永背。恐傷老父懷。欲語每多諱。依依待親側。竊視增老態。見兒今遠來。倚闥心稍慰。憐兒走千里。辛苦頗能耐。謂兒縱無能。撲拙尚堪愛。客中話團圓。雖暫亦足快。祇愁空廬燬。田園更荒廢。囊橐且蕭然。飢驅猶不暇。何當放歸舟。還家日相對。菽水可承歡。至樂益暢遂。笑謝當時人。

感唐詩學
咸以名易印
魏魏唐坊

曲折入情化
手天孩註

利名安足累。

○贈詒孫八兄

久別忽相見○深談到夜闌○浮家千里易○謀食一身難○兒女已成列
杯盤聊盡歡○江鄉何日返○重與話團圓

○遊嶽麓山用昌黎山石韻

有飛來寺及重募峒嶼山碑六朝松諸勝

湘江江頭橫翠微○嶺頭處處聞雲飛○四圍草木漬濃綠○遙望陡覺
峯壑肥○朝來奇興頓颺發○鼓勇不厭同遊稀○縱遊名山愜素願○慰
我未見如調飢○澗泉林鳥弄清籟○一路傾聽窮岩扉○飛來古寺罕
人跡○未礙晨夕籠煙霏○穹碑欲讀嗟莫辨○老松盤礴驚成圍○何來

神似昌黎

弟桂臣

吳升爛巖谷○往往觸手香滿衣○煙霞嘯傲洵足樂○世間名利何能
繼○故山猿鶴正相望○速携遊屐將東歸

○雲麓宮題壁

聞道山僧宿翠微○徑來絕頂款岩扉○白雲滿地客何處○啼鳥數聲
花亂飛○萬木蕭森生遠籟○一龕寂靜悟禪機○尋松問石頻聞憇○不
覺前峯已夕暉

過賈太傅故宅並祀屈左徒

此地曾聞吊屈來○城西故宅尚崔巍○最難年少能憂國○未有公卿
不忌才○痛哭祇餘三策在○孤忠直接九歌哀○即今異代同祠宇○淒

徑字擬易獨字
地字擬易徑字
何如弟桂臣注
入玉夢集
卷五
唐詩

淺語未經人道
道 韋桂信

絕湘流去不回

○ 行程雜詠

水雲深處儘勾留
曲折沿崖盪客舟
更喜山樵解人意
故拋松子落船頭

茆茨一徑白雲通
紅樹青山望不窮
我自泛舟他結屋
大家都在畫圖中

淺灘碎石比瓊瑤
五色成紋畫不如
拾向瓶盃作清供
為他養箇小遊魚

○ 清江道中

榜人發清曉
一棹行空江
晨曦出復沒
凌亂餘霞光
山雲翳然合
林壑皆蒼茫
微雨隨風來
十幅蒲帆張
春寒一何厲
酒力猶能降
擁被時復卧
未敢推篷窺
但聞破浪聲
船底鳴淙淙

○ 途中久雨遣悶

逆流日日滯征橈
積霧沈陰入望遙
不肯放晴天似若
爭先出峽水何驕
蕭條客路憑詩遣
料峭春寒仗酒消
每到夕陽雲忽漏
夜來又聽雨瀟瀟

○ 王芎樓司馬家棣邀同人春遊作

攬勝尋幽逸興添
偏隅景物亦何嫌
使君為政原多暇
奇境能遊

此種高唱唐以
後人法之而不
為榜歌以才力
亦疎空之言情
言只索詞障
自然着力便非
佳作芎若人所
謂十首以如流
三言相同則亦
人之二病也
唐昭

賦字甜字新
而穩晚唐佳
句史弟桂注

奇境以音而
寫之森然可
畏也

任久淹至土壺山楊柳一溪春漲膩菜花十里午風甜韶光易暮
休輕擲此日何期四美兼
元陽洞在蓮花廳城南
其表院風景併得香日一橫軸此元清洋

羲皇一畫開鴻濛良象覆碗原中空何年鑿破混沌窾遂使絕境
人間通元陽古洞闢山麓閒寂幽窈誰能窮水聲潺潺此中咽有
時流出飛花紅洞泉每有杏花片別有大地境髣髴武陵谷口將
毋同又聞深處多窟穴流涎噴沫潛蛟龍四時泉源早弗竭灌溉
萬頃資神功洞門奇石逞妍怪劍戟相向鉞交胸鸞翔鳳翥猿猱
扶倒懸突出驚雙瞳森然動魄偶長嘯響答直似鏗洪鐘其旁指

點巨人趾洞大信有仙靈踪誌稱楊筠松脩真於此脩真當日競
韶晦繫我欲往嗟難從歸途回望三歎息煙蘿蒼翠雲重重

安福道中

雞聲茆店五更初一片紅霞漸卷舒底事晚寒偏料峭山雲重叠
裹籃輿

新晴莫漫悵征途疊嶂層巒儼畫圖過雨看松最奇絕釵頭萬顆
綴明珠

吉州試院重九馮子良先生詢賦詩索和韻二首
豈有登高作賦才論文且喜共銜杯雁聲忽報秋將老鴻爪曾留

事行人道
唐坊

超妙亭正堂

客舟來去歲春間亦千里相逢萍水合重陽入見菊花開新文舊
主殷勤甚送把推襟日幾回

節義文章夙所崇此邦教澤溯流風秋聲誰賦歐陽子正氣猶存
信國公賴有汝南精月旦定知冀北快羣空丹黃偶暇揮吟筆餘
勇爭誇雙鐮翁

子良先生酬詩二律和韻奉答

跌宕湖山自在身超超大雅獨扶輪文章名世無餘子治譜傳家
有替人今似已需桃實長添方朔壽梅花近接嶺南春更欣三度
重遊地一度風光一度新

健筆能將萬象包漫勞酬韻費推敲聞名久已欽詩伯湘鄉侯相
伯之稱迷祖何期本世交與先大夫為飛將文壇真大樹程材藝
苑重前茅匆匆指日歸橈放回首園林肯暫拋

張君小琴惠詩二章即和原韻奉答

客邸何堪歲月催幸逢舊雨共追陪壯懷漸向風塵老好句都從
閱歷來酬韻又添詩草富衡文更見榜花開取列前茅者有重陽
莫作登高賦且盡筵前濁酒杯亞古樓曠諸姓

天涯頻歎轉蓬身小聚匆匆記早春相憶曾勞魚遞訊重逢却值
雁來賓何期兩度同遊跡應是三生有宿因難得忘年交誼篤只

愁欲別又逡巡

○ 靜山觀察屬題耕讀圖冊頁

茅齋小築傍清溪。坐對雲山當畫題。遙指煙林蒼翠裏。有人叱犢過橋西。

把卷吟哦興正長。吏勞晴雨費商量。披圖忽憶江南路。耕讀傳家舊草堂。

雙管齋下

中桂注

甘棠種遍水雲區。豐稔頻年萬頃腴。士樂詩書農力穡。妙將風俗繪成圖。

又題寒林訪友冊頁

策杖來尋隱士居。煙林一帶畫蕭疎。過橋遙指秋聲館。好聽歐陽夜讀書。

○ 李明齋出示所畫梅花巨幅屬題七古一首

李君卓犖人中豪。承家七葉綿金貂。平生嗜古有奇癖。商彝周鼎窮蘆毫。丹青妙筆擅風雅。又與可竹王維蕉。就中梅花更高古。脫手百幅圖生綃。有時秀潔絕塵污。藐姑仙子來碧霄。有時大氣鬱磅礴。孤根鐵幹如蟠蛟。淋漓潑墨恣揮灑。頃刻春意盈堂坳。暗香疎影欲飛動。定有老鶴來相招。祇我披圖轉惆悵。江鄉萬樹開瓊瑤。自從四載歷兵燹。雲階月地空魂銷。迄今欲歸歸不得。惟有傲

青思 吳注

僕有游青原
山記並多遺六
詩意謂不負
此山不負先生
後此佳句 唐坊

通首勁氣
盤旋与昌
黎原作其
可竝駕齊
驅

名滿志道人道
且佳

骨存丰標感君殷勤數相示。囑我題遍寒煙梢。要知此中有真意。歲寒三友同訂交。一枝他日倘相贈。更向枝頭著意描。

○小春十日陪子良先生麥味榴太守錦鑿明齋遊青原山子

良先生成詩一章奉和原韻

龍湫虎穴在寺祖闕開攬勝同登舊鏡臺流水亦知宗派別名山

未許俗人來參大尚有千年栢寺多古栢皆題壁先吟十月梅時

齊畫梅將刻石壁間四顏公李紀文山黃山遺迹在為摹殘碣幾

徘徊

○遊青原歸途復成七古一首用昌黎謁衡嶽廟題門樓原韻

牽纏踪跡勞天公十年走逐塵埃中一朝行樂頗自喜詩壇酒社

心先雄好造不覺更成癖有極必造源必窮青原自昔擅名勝遙

遙七祖開宗風泉聲到耳徑彌曲細澗中斷虹橋通古栢嶮強鉢

龍起崖枯石瘦空山空嶺雲團絮日卓午小春天氣何融融先生

杖履仙史鳥歡喜合證獅王宮摩挲碣石辨唐宋風雨剝蝕苔花

紅草溪學士精核古植闕奇字乃折衷顏魯公隸書植闕兩大字

山中老僧了無事迎門合十頻鞠躬藥樹堂前論忠孝英雄仙佛

將毋同明李方公客之名以智披荆花再開師再至我聞生滅環

初終祖師曰此花再開吾當再至興亡飽閱彌勒笑歷劫不壞誇神

功登高憑眺興未已蒼煙紫霧紛朦朧歸來夜色淨如水片月飛
上遙岑東

將旋蓮廳留別張小琴

自是空論唐詩

何幸風規接老成五旬重聚倍心傾人能孝友多真性詩到和平
自道所以注
是正聲已向詞章投臭味更從道義見交情不堪同是離家客臨
別殷勤百感生

永新道中

萬松夾道立曲徑通盤旋澗泉雖漸涸細響猶涓涓微風一以動
田園詩日以年
老居佳不事
恒柴唐詩
相和如箏弦半日出深林開朗始豁然忽見野人居近築南山前

詩中有畫

注

願得事五

幽致

屋後出白雲縷縷輕於絲紅黃間深綠古樹經霜妍其下積落葉
葉上閒牛眠雙角羣鴉栖翔集何安便農功既已畢露積圍村邊
滌場淨如鏡兒童舞翩跹微聞犬吠聲渡口歸漁船行客欲投宿
下榻居西偏春出新杭香炊飯寒生煙山有兼野藪味美逾珍鮮
談笑值鄰叟樂說今豐年把酒樂陶陶相與忘塵緣出門望明月
已掛松林巔

瓏江道中

層巒疊嶂水迴環魚鳥親人意自閒白雨橫飛泉出峽赤霞高擁
火燒山松林陰翳二三里茆屋欹斜一兩間劇愛倪黃留畫本船

有餘無便
餘味唐詩

頭看到夕陽殷

○沙豎晚泊

霜重宵深舟自橫
蓬窗欹枕夢難成
空江月朗風初定
時聽遊魚撥刺聲

○陽江舟次

霜天木落正紛紛
樵唱漁歌一路聞
亂石縱橫攔去水
奇峯突兀攖歸雲
禽幽吭引新翻曲
樹老皮皴古篆文
倚棹頻來最佳處
此間真箇絕塵氛

○白堡小泊 春間曾泊於此

雲水光中幾度經
渡頭日落漸黃昏
危灘激浪疑龍鬥
怪石懸崖似虎蹲
橘柚盈筐香入市
松杉成幄暗藏村
今宵繫纜垂楊岸
記否春初舊漲痕

○謁王文成公祠二十韻

有用方為學經綸
仰大儒良知賢聖紹
偉績古今無策早
籌邊展忠因抗疏
誣謫遣璫禍烈教化
峒苗孚草貢新開鎮
崔符迅比誅詰姦
編保甲選士立兵符
劇盜都綏靖強藩
入覬覦倉皇聯義旅
慷慨奮前驅入蔡擒
元濟從天降亞夫
窟先燔狡兔陣果獲
雄狐威武猶懸印
危疑竟獻俘君心
能上格民困賴重蘇
懋賞封還靳

起至已吸起
全篇 弟桂注

曲抄寫末
漂括 弟桂注

謝為羊僅
旦巨

以文成道配
忠武不刊
論真收束
心住弟桂注

夢景如夢
其注

有格律
唐詩

一氣爰注

平鹽志更幼。浮言羣小誘。盡瘁蓋臣軀。功業文章並。勳名智勇俱。
韜鈴邁韓范。宗旨異程朱。祠宇留前代。風雲想壯圖。千秋昭信史。
一東薦生芻。曠世誰堪媿。書生豈遂迂。當年諸葛相。志事兩無殊。

長箴泊舟晚眺

白雲如帶束山腰。暮色蒼然景寂寥。廟破枯藤盤作瓦。岸頽僵柳
卧成橋。林間門。鵲每雙。隨波面。遊魚時一。跳長短堤邊。柳繫纜。可
堪落木止蕭蕭。

送別錢榆菴

凜凜歲云暮。嗟君何所之。不諧惟世俗。難賣是黔痴。棋換頻翻局。

囊空只貯詩。湛盧常拂拭。飛躍會來時。

我亦牢騷客。同茲汗漫遊。放懷憑縱酒。作賦怕登樓。異地難為別。
孤帆不可留。明朝相送處。離思滿江頭。

贈周鈞甫 同設時庚午七月同客金陵

不灑窮途淚。艱難卅載嘗。危言動君相。奇氣發文章。君以布衣應
並歷說曾 天下正多事。斯民劇可傷。憂時同一哭。漫說少年狂。

趙莘野明府從佐贈七古一章步韻奉答

先天化日煙氛廓。崔苻已淨蚩尤縛。虎踞龍蟠攬勝區。浩劫何堪
溯疇昨。嗟我欲歸不得歸。鷹隼罹羅馬困絡。西江幸遇松雪翁。握

勁接調家
御書

極力鋪張以
感阮絕似香
山洪崇府宜
編志乘以垂
版鑿具注

吳業
弟桂注

手知交快相託人生聚散原無常五載相思感離索羨君雲路竟
高騫湖海慚余偏落莫破浪萬里求蓬萊此行詎畏風波惡故交
且喜投新詩咳唾九天珠玉落君也持尺方量才目刮金鏡電光
霍須知拔幟大有人筆花璀璨炳跼萼最哉五色慎勿迷鷺鳥累
百不如鷓時將有入
閨之役

秦淮燈船歌

秦淮風月真無價燈火笙簫常徹夜古來桑海有遷移此地繁華
無代謝夕陽欲下鍾山青相携載酒登吳舫紅欄四面棊几淨碧
波掩映多麗人碧波十里橫塘路打槳先來桃葉渡東船西舫各

爭妍宛轉沿流屢迴顧萬點明燈暮色蒼儘燒高燭照紅樞水上
琵琶獨清澈兩頭歌管聯成行姊妹鄰舟互相喚賭酒酣歌夜將
半嬌喉微度口脂香鬢邊花氣交凌亂是時皓月方正中水天一
色金銀宮夜遊達旦不知倦珠圍翠繞迷西東回首當年流戰血
烽燧連天照城闕至今兩岸瓦礫場鬼火高低餘白骨浩劫紅羊
歷歲年遺黎多少斷炊煙似聞遙指中流說一應須百萬錢

遊金山放歌一首時大興土木官為重修

乾坤莫定分鴻濛浩浩萬古江流東海門直下孰砥柱金焦對峙
粵其雄古來形勝稱絕險豈獨吟眺遊人供茲山中流久炫耀樓

少陵悲歌香山
風論石園今日
後見漢言唐時

長歌當哭
石全當多
見一

清高要園
以注

李華擊
金碧氣
揚閣不
應坊

臺金碧園梵宮豈知華靡造物忘一朝遂付秦火紅我來登眺覽
陳迹磴道曲折盤虛空長江萬里若指掌奇境自足開心胸異哉
世俗謬裝點廢寺重創窮人工更勞監督動官府鉅費百萬規模
崇吁嗟江南歷兵燹瘡痍遍野蒼哀鴻地方元氣久難復海疆况
復當要衝縱令夷艇入腹地羈縻乏術惟包容民瘼弗恤忘隱患
徒事玩賞何夢夢腐儒作歌當易獻敢擬憂樂天下同安內攘外
果清晏太平潤色吾亦從遊山他日更踐約且欲題句追蘇公

張少槎明經廷壽步前韻和詩疊韻奉答

石頭煙雨紛冥濛一棹催發秦淮東連朝風利不得泊破萬里浪
心猶雄扣舷歌嘯蛟蜃區下筆驅使煙雲供水天一碧渺無際直
疑吹到蓬萊宮中流陡起浮玉島朱甍碧瓦排青紅停橈拾級造
絕頂振衣千仞凌秋空海天四顧發遐想曠然民物橫心胸同遊
張子盛文藻夙擅三絕詩尤工遙吟俯唱共揮灑豪氣壓倒岡巒
崇登高忽復動鄉思一聲怕聽大邊鴻回憶瑣闥共文戰如臨大
敵攻梯衝偏師一角或制勝甲兵數萬吾能容功名要識闕氣數
仰視天道寤夢夢即此攬勝互酬答登瀛他日將毋同窮通得失
何足問神仙富貴安適從臨風且與豁懷抱釣鯨吾欲隨任公

秋闈報罷釣甫之浙道經里門見贈二律奉答一首

騷情選體

持論名通

弟桂漁

談此共微話
力且佳

滅滅秋氣悲沈沈秋夜長客子鬱不樂乃在還故鄉况逢捐縶長
曷禁摧中腸窮途竟有偶幸共燈燭光握手入酒肆相對各傾觴
朗誦別後詩意氣猶激昂感子窮益堅卓哉詣力強惟念從此別
世事嗟茫茫臨別聊贈言願子中心藏元音追太始仍貴諧宮商
更有繞指柔本出百鍊鋼時豈屑為背時用豈臧君子持其平
為圓非毀方養氣以有待干鏌韜鋒鏑遇合倘得志設施道自先
書生無實用俗論多披猖相期雪此言此願會可償大涯若比鄰
行矣無相忘

8 秋試報罷久滯里門感賦

語有含蘊

平語卻不易
弟桂漁

跋浪仍歸點額中依然捐縶對秋風學荒敢惜求全毀遇蹇惟成
得半功卷為第六房張莫向文章論得失要從氣數驗窮通即有
多少青雲路晴江先生所薦知否投時語畫工
百年身世望漫漫亂後還鄉亦大難偏到窮途增客感漫從遠道
博親歡自憐去住無長策久閱炎涼轉達觀聞說終南多捷徑問
君投筆可能安

題湯衣谷明府裕皖城舊遊圖

不盡天涯感相思可若何兵戈消歲月朋舊遯山河名士鄉關重
奇才幕府多諸君皆在湘鄉幕中而方君元微皖江江上路回首
劉君開生趙君惠甫皆常州人

一悲歌

我亦牽離緒披圖憶舊遊浮雲千里夢流水半生愁落落文章契
茫茫湖海秋得君差慰藉客路更何求

借嚴星樵明府暨劉允仲表弟遊也園造北極閣登曠觀亭

遇雨

欲雪不雪寒風騎老梅耐冷初含苞同遊三人來不速白雲山頂
如相招傍山小園足幽趣數弓隙地容誅茅山房少憩蓄全加一
氣遂造前峯高亭前曠觀動遐思近自明季溯六朝繁華極盛歷
千載可憐盡付一炬焦我曾按圖攬名勝但見瓦礫湮蓬蒿古米

清峭稱題處
身氣公浦
而必宜注

石城擅雄鎮九十五里誇兼包么麼竊據幸掃蕩光天化日兵氣
銷禪堂茶話感桑海相與憑吊空蕭駘雨聲催我下山去浙滙響
遍寒林梢歸途無賴一回首煙霧迷離入望遙

登翠微亭

翠微亭畔草離離獨客登臨意自悲千里河山原鞏固萬家黎庶
尚瘡痍荒郊寂寞餘殘壘落日蒼茫捲大旗使相南來重東節可
能江左仗安危

旌壯



芙蓉江上草堂詩稿卷四

辛未三月於舊基築室數楹落成賦此

湖海茫茫幾度經，又從故里寄浮萍。
亂餘更喜逢時稔，人傑原須伏地靈。
猶幸親朋共鄉井，固應詩禮紹門庭。
數椽漫說需材急，棟椽還宜貢

帝廷

回思舊事感滄桑，辛苦艱難十載嘗。
未遂萬間成廣廈，且從千里慰高堂。
謀深菽水經營早，話到田園意味長。
何日三湘放歸棹，團

江陰

全則仁

湛生



園一室快稱觴

木蘭生意未全摧。曾見慈親手自栽。百劫尚留先澤在。羣花應喜主人來。一枝秋老還攀桂。十月春融好伴梅。後起漫占多富貴。落成時節牡丹開。

山天自在

雲香水翠穩幽棲。吾愛吾廬任品題。剝啄有時驚犬吠。游行隨處聽鶯啼。農閒歌起荷花蕩。村市散人歸楊柳堤。最愛夜來新月上。鳴榔船到小橋西。

游獅子林

倪迂古高士。胸中富邱壑。結構擅佳妙。豈特清閨閣。惟茲數畝園。

通首凝鍊

氣勢鬱磅礴。滄漪繞迴溪。曲折渡短桁。縱橫七二峯。妍醜紛綺錯。翩如鷺鴻翔。猛如鷲蟲搏。肅或如丈人。執事矜儼恪。靜或如處女。臨鏡自梳掠。高低已冥迷。諦視益駭愕。顧右既失在。且前後且却。周遭旋磨蟻。暮越穿林攖。遊人偶相逢。招手但唯諾。咫尺不可通。始悟循途各。似近偏縈紆。似隘實開拓。卅六洞中春。問自何年鑿。倚岩森長松。攬綯虬龍躍。歲久盤孤根。根石互包絡。風清月白時。定有歸來鶴。幽花綴藤蘿。時時發紅萼。亭臺雖無多。那有塵氛著。獨存魯靈光。劫火木容燦。繫余來吳門。楓橋曾夜泊。城市厭喧囂。何地憇行脚。偷得浮生閒。言尋此間樂。撫景空徘徊。古人不可作。

細云暮擬令
後者目眩神
駭宜方書深
刻在壁間心
師子林記旦注

感此悲秋懷空階聞葉落

重九日偕同人登雨花臺

難得重陽稱意晴雨花臺上暢遊情品泉曾共煎茶到出郭聊為
訪菊行對景不堪驚物候登高還欲志澄清可憐六代都陳迹俯
仰興哀百感生

調似宜酌且長注

偕周星堂明府遊半山寺陟謝公墩

佛寺重開淨劫塵薄遊訪古到城闌一墩自占江山秀千載常懷
晉宋人墩為謝太傅圍棋處嘗與王右軍登此超然有高世之想
地宋王荆公詩所云不應墩姓尚隨公與謝公爭墩者即此
碁局荒涼雲寂寂澗泉清冷石粼粼登臨亦有超然想可許幽

棲共結鄰

句容道中

岡巒重疊鎖寒煙策馬長途趁一鞭衰草接天迷野燒小橋橫澗
咽山泉田園寂寞秋風裏城邑荒涼夕照邊多少瘡痍猶未復不
堪攬轡重流連

茗溪雨雪歸途口占

踏碎瓊瑤興未孤連天風雪認歸途入門笑指梅花說忍聽寒宵
伴鶴雛

送夏威如明經回江陰并贈折枝梅花

一氣能行
的唐音

折贈寒枝氣味親
江城猶幸接芳鄰
君山消息憑君問
劫後能蘇幾樹春

君山舊有梅花書院

余家舊有梅花一株
花時索者踵至
余謂須以酒一壺易花
一枝或曰是賣花也因成小詩一首

暗香浮動影橫斜
聲價偏增處士家
却笑歲寒添韻事
為沽春酒賣梅花

○ 郡城歸舟

歸舟已昏黑
溪水一條明
何處是村落
遙聞犬吠聲
計程剛十里
欵枕漸三更
值此歲暮
匆匆笑此行

除夕述懷

轉徙天涯卅十年
故鄉歲月又頻遷
衰門漫詡高陽里
薄產猶餘下澗田
菽水經時違色養
妻孥遠道倍情牽
一杯且飲屠蘇酒
話到團圓意惘然

○ 壬申春初至江陰
夏詠熙先生陳子懷太守皆以河豚招飲
適病瘧不果往作此解嘲

我舟抵暨陽
雪霽媚晴旭
君山如故人
遠迎青一角
統郭有長江
魚美本風俗
將欲下陳榻
懸又喜來夏屋
兩君夙好客
適逢春酒熟
云有西施乳
來飮東坡腹
河魚以豚名
其肥且勝肉
我昔常垂涎

妙語解頤

辨才多碍
酷似道園

見道語

今擬恣所欲。無端瘧鬼來。似如我口福。我當以術驅。更把杜詩讀。
人謂子胡然。此疾幸相觸。河豚當春初。味厚每蘊毒。土人飲江水。
食之化且速。君今久離此。水土恐未伏。老饕若無厭。中毒或同覺。
江湖魴鯉多。何必嗜茲獨。瘧鬼比諍臣。暫至不庸逐。我聞始釋然。
一任主人促。凡病從口入。斯言願三復。

春日里居即事

敝廬甫重創。方慮將遠行。偷閒忽半載。僻處無勞形。兒時釣遊地。
劫後彌有情。山色不嫌遠。空翠東南橫。村旁一條堤。楊柳何青靄。
過橋每獨往。到此常聞鶯。千畦香藹間。叱犢看催耕。荏苒惠風和。

此詩雜之陶
詩中幾無以
辨可謂性妙
性肖矣

四野開春晴。溪邊搵衣石。新漲上幾層。歲時偕里老。足跡偶入城。
歸舟修昏夜。村犬遙吠迎。遊行既自適。入室尤足廣。甕頭多宿春。
潔白炊新秬。盤飧雜蔬笋。其味腴且清。水鄉兼近市。時有鮮魚烹。
量淺復耽飲。往往醉不醒。開卷或吟諷。間以兒啼聲。索笑轉投懷。
頭角憐崢嶸。小院晨葩妍。折取供膽瓶。及時播花種。一雨萌芽生。
春氣愛和煦。草木都芳馨。綠陰壓檐重。飛絮縈簾輕。茶甘睡初足。
香燼詩初成。遲遲日正長。燕語喧空庭。向晚倚南窗。樹杪搖疏星。
隔牆辨人語。光閃鄰家燈。誰與共岑寂。晨昏偕阿兄。物理能靜參。
目盲心非盲。孫謂詒况有謝家如。婉孌方歸寧。氏謂適陸阿成善解紛。

收靈叙天倫
樂尤見胸次

与月華洞庭水
蘭氣滿湘烟
十字可以並傳

鄉里平不平謂後有叔來豫章迢迢千里程有弟來自皖且喜匝
月停蘭岑叔菊人弟於各迷亂離事情話忘深更遠交二三里過
從舊日朋董生既温雅秋江吳子尤樓誠謂吳南湫近訪戴咫尺
興可乘粵海艷歸裝奇遇誇滄溟謂英快哉此閒暇高卧原足矜
惟念從此後難免塵網攪明年在何處又恐如浮萍所冀奉老
父歸養安蓬荆舞綠學萊子含飴弄孫曾天爵自可貴不羨人世
榮聊記今日言以為異日徵誰歟鑒此心白雲當空明

三月三日集蘭亭序字成五言一首

今人多集字為楹聯鮮有集字成詩者暮春之初同人以

蘭亭修禊四字分韻不拘體格各成一詩余拈得修字

昔賢不可作稽古懷風流山林或寄興至樂成猶快哉風日和
娛此水竹幽觀時一以慨悲感亦有由當世若能喻相與期自修
至今仰盛會信將隨天游

贈薛慰農觀察時雨

六代江山一寓公幸從座上挹春風官曾抗帥同坡老家近滄州
號醉翁入寺旃檀參密諦近與旃檀盈隄新柳護芳叢白門新柳
歌近年來添得吟懷健萸菊先陰興轉融
山斗聲名仰望尊漫勞塵市枉高軒簪纓敢詡金張族杞梓都歸

薛卞門主講惜陰書院四海衡文增感觸馮子良何廉躬而一編述祖
託評論承校先祖無心喜傍閒雲懶山色清涼笑語溫居清涼山下
號懶雲

○王雪香明經於庚申秋與余同避亂於松江之漕涇維時雪
香挈眷倚居余倉皇浮海今歲重過白門患難追思作此
寄慨

一氣貫注
情深五明

十二年前事相逢值亂離携家君且住航海我何之幸有生還日
何期再見時滄桑一振觸情話不勝悲

○題白門新柳補記

余未識君時先
於白門新柳補
記中已讀此詩
願懷隨園天
涯泥路訪斯
人志君識
君又讀全集
傾倒益深矣

山光如黛水如油頻向青溪訪舊遊冶葉倡條猶似昔澹雲疎雨
不勝秋纏綿彩筆千迴寫珍重遺珠一例收南部煙花今補記新
陰只在板橋頭

○登雞鳴山入寺小憩

禪關寂寂徑通幽步上雞鳴最上頭習井長埋千古恨胭脂井虛
堂高吸一湖秋寺俯瞰偶逢奇石向人立時有閒雲隨客留莫到
臺城增感慨臺城離山最近登臨且與豁吟眸

○題趙莊船孝廉從僖贖稿為令弟莘野明府作

當年樂事說天倫遺稿重搜漬淚痕千古文章悲浩劫一編心血

悲壯

護忠魂⁸
孝廉於丙辰秋殉難奇才定斫王郎劍逸韻猶傳伯氏墳此後殘篇

倍珍惜長同正氣塞乾坤

⁸ 吳晉壬部郎唐林見訪並示詩集賦贈一首

沈疇頓挫
何減少陵

弟桂巨

片帆東去悵離群昨趙敬甫返常熟獨向秦淮客感紛六代江山空攬古
十年湖海始逢君珠光劍氣才無敵傾蓋班荆誼最殷待得蘭陵
春酒熟鄉關重與細論文

喜晤周鈞甫

憶從往歲別鄉關何幸重逢客路間閱歷又添新著作風塵未改
舊容顏奇才磊落憑誰拔傲骨峻增肯自孱握手祇宜同一醉茫

茫且莫話時艱

⁸ 渡江

聲滿天地

又出橫埭口中流望渺然沙痕分斷港帆影落遙天風細晴雲縹
江空落日圓倉皇爭北渡猶憶十年前

雨阻橫埭市

小市開江岸沙堤四望遙煙波纔廿里風雨又連宵泥爛塗蓬壁
潮乾涸板橋何當春水發歸去放輕橈

甲戌春初赴羅壟灣

麟麟侵曉歷坡坨不用輕航泛綠波風日晴和逾卅里岡巒重疊

跨三河歷瓏港德勝孟瀆三河經春攬景年光換觸境思親涕淚
多二十年前板輿侍牽衣此地幾回過

童時舊事不堪論就傳曾從通德門四載滄桑前度認百年喬木
幾家存盈階蘭玉綿先澤入社鬚眉仰達尊謂厚庵晉太息渭陽
餘碩果那禁情話到三更

春遊至繖墩觀梅

江南十日春風顛三十三峯爭呈妍遊心一發不可遏如馬縱轡
箭脫弦平生名勝愛周歷家山咫尺寔含禰譬猶珍錯饜山海
鱸鄉味倍足憐舜過秦望日相對城東佳處尤情牽砂山定山二

山缺繖墩突起高逾拳兩獅對峙作毬戲雙龍扶走同珠廊上有

古洞深復點下有湖水清且漣洞名珊瑚洞湖不須弔古動感慨

寰宇記云吳王第八子莖此攬景自足供流連况有梅花萬千樹環山一白何

綿延羅浮世界香雪海神迷骨醉疑登仙就中古梅作花祖鐵幹

蟠屈生何年深林一入誤向背左挹右拍空盤旋惜哉林逋未見

此只今豔羨西湖邊乃知名花與勝境附驥亦賴高人傳此花此

境久聞寂我來一笑非偶然良遊既踐山水約會當築屋林巒巔

蒼松翠竹並羅列結鄰三友應宿緣詩成更向老梅說可能脫去

塵俗追前賢

包公彥學博棟成見贈長古作此答之乙亥

昔我攬勝城東隅老梅花發香滿湖

甲戌春曾遊徽湖觀梅

返惜哉未訪高人廬

所居長涇離徽約十里

過塗傾心一見似相識性有同嗜德不孤棹沙聚散祇俄頃多感

貽我雙鯉魚新詩滿幅惠復辱如耀錦繡鐙瓊塔縱橫逸氣溢亮

素希踪太白凌韓蘇自慚弱冠逢喪亂不殖將落空嗟吁網羅散

佚敢自懈冀紹家學回時趨

近輯先代遺文付梓

先生好古屏俗尚等身著

述勤蓄舍

所作詩賦先後刊行

一編乃許善蒐討相視而笑若合符方今

龍飛下明詔旁求俊又尊師儒維君碩學漫高蹈相需殷豈相遇

疎雍容揄揚際

盛世別裁偽體大雅扶此詩此語試相質以為息壤其可乎

○ 贈龔少漁明府長恩

移家愛向六朝居花滿江南奉板輿

寓居秦淮太夫人就養

渤海循聲傳太

守○ 定山學術繼尚書

芝麓先生六世孫

枕戈慷慨勳曾策攬轡澄清願豈

虛所著有我為蒼生乞霖雨梓邦先蒞使君旗

感懷

功名蕉鹿未為真四顧茫茫惜此身未免熱腸猜世俗漫將巨眼
望風塵江湖浪跡逾千里花月歡場又一旬要識人生行樂耳不

須惆悵說沈淪

寄懷姚秋坪刺史 楊曙 劉雪子通字 垂裕 嚴星 熙明府 整許

午樓孝廉時中 卞晉卿明經 乃鈺均於秦淮作平原十日
之飲者也

風流幸接令公香 畫舫清尊樂未央 梅瘦菊肥桃李豔 與君十日
費評量

回首歡場動別愁 津亭相送感綢繆 隋堤煙柳秦淮月 并作江天
一片秋

○ 楊州即事

鴻雪遊踪到處緣 不須十萬說腰纏 者番騎上揚州鶴 只與琴書
共一船

爐香茗椀稱清遊 穩泛輕航狎鷺鷗 一片殘荷兩行柳 虹橋西去
好尋秋

高堂重向蜀岡開 秋色澄清絕點埃 試豁吟眸成一笑 青山隨我
過江來

瓊瑤遠寄墨猶新 過訪壺園迹已陳 廿四橋頭一回首 空留明月
弔詩人

過壺園弔何
廉昉太守

過梅花嶼謁史閣部墓

秀語欲仙
弟桂注

只有揚州路。梅花歷劫存。當年動詩興。此地伴忠魂。世界冰霜老。風塵戰伐昏。生前家國恨。過墓怕重論。

○ 德安道中

紅樹青山分外妍。昨宵風雨又連天。征途到此真如畫。行過倪迂又米顛。

似唐署某二年重建
今有竣工
曾桂注

○ 滕王閣前燬於粵匪之亂上年重建甫竣

有客棹棹遊南昌。三度訪古悲滄桑。眼前突兀忽見此。依然高閣開滕王。昨由機船沂揚子。一日千里來潯陽。天時人事偶然耳。豈必神助邀馬當。偉哉東南擅名勝。嵯峨傑構遙相望。題詩黃鶴有

崔顥七字壓倒李白狂。岳陽作記念憂樂。希文道德兼文章。地以人傳。倘舉例子安。一序敢頡頏。何況持論尚器識。徐箋庾賦何足臧。乃知閻公實好士。大會賓客華筵張。一朝捧袂被容接。揚眉吐氣已激昂。羣公木賦塔焚禍。天才遽復廣坐揚。鍾期楊意寓景慕。得一知己名益彰。黃金築臺重聲價。巍然此閣堪比量。祇我登臨縱游目。莫更憑弔搜枯腸。仙人帝子不可作。俯仰一世誰短長。但見山蒼蒼。今水茫茫。江頭日夜風浪浪。

虔州贈俞芝恬大令敦培

曾與寒梅共結盟。唱和福承和以詞。十年重聚倍心傾。才人舊

子余輯湘江探梅

老字似宜易為
弟桂僭擬

四詩工麗 雅近梅村

按紅牙拍見贈所著倦客新憐白髮生南國棠甘聞卧轍前補樂
郡所屬權北堂萱老快稱觥雙江水碧崆山翠照向恬園分外清
所居恬園甚饒花木

8 慶州即事

芳訊初傳嶺上梅落帆入向鬱孤臺渚清沙白雙流合日麗風酣
八境開巒翠空同新著雨灘聲惶恐舊聞雷計程昫歷三千里多
少雲山過眼來
形勢從來說虎頭登臨易動古今愁盧譚霸業懷陳迹閩粵巖壘
控此州戡亂奇勳高一代王文勳忠大節並千秋明唐王時萬公
元吉揚公廷麟

均在此 幸逢四海烽煙息誰念遐方伏莽留

朋簪差喜聚天涯臘去春回感歲華高史文章開講席高小岑太
主講陽蘇翁父子擅名家蘇澤珊大令霽芬及其鷓鴣詞唱鄉心

切江晚正愁余山深聞鷓鴣蝴蝶圖成客夢賒潘鴻卿二尹文最是
恬園觴詠盛昨宵羯鼓為催花芝恬太令

漫興坡仙踵後塵此邦攬勝往來頻山中自古有明月誰向空山

中木客解吟詩東郭外至今無逸民東坡至慶州訪陽玉岩有詩
坡八境臺詩也
通天榕倚荒祠空閱歲靈山廟有大榕二蘭尋絕巘遠藏春地產
窮經更向皇初溯可有奇踪賴巨賴巨人見山海經謂賴以

涉詞解句
必為鄰

弟桂注

記云南康有神名山都
形如人即顛巨人也

8 章門喜晤孫子成明經 緝

昔年仙侶記同舟揮手天涯汗漫遊一葉居然逢大海百花聊共
覽芳洲晤後一日即江聲南浦流歸夢雲影西山澹客愁試上滕

王高閣望古來題句幾人留

余先成滕王閣七古
一章君立和原韻

風塵到處有逢迎携得詩囊字字清自昔郢中傳曲調於今洛下
想才名先遊楚非雲山遊屐長無恙花月傾觴倍有情好約秦淮
重問渡與君同續麗人行

贈朱意如通

相見各恨晚傾談慨以慷幾經流俗險漫說少年狂身世壺堪隱
近署號風塵劍有鋸竒才誰拔爾四顧益彷徨





光緒五年孟夏既望浙西蔡綸書拜讀一過

國家圖書館, NATIONAL CENTRAL LIBRARY, TAIWAN, R.O.C.